



REPUBLIKA E KOSOVËS
REPUBLIKA KOSOVA - REPUBLIC OF KOSOVA
KOMISIONI I PAVARUR I MEDIAVE
NEZAVISNA KOMISIJA ZA MEDIJE
INDEPENDENT MEDIA COMMISSION



Emri i Biznesit: IPKO Telecommunications L.L.C.

Numri Unik Identifikues: 810485301

Drejtor: – Robert ERZIN

Operator i Shpërndarjes: TV IM

Platforma: OTT

Adresa: Rr/Zija Shemsiu, Nr.34 Prishtinë,



VENDIM

për licencimin e Operatorit të Shpërndarjes, “TV IM”, sipas platformës OTT, me seli në Prishtinë

Faktet

1. Komisioni i Pavarur për Media (KPM), në bazë të nenit 3, paragrafi 2.6. të ligjit për KPM (Ligji nr. 04/L-44), nxjerr akte nënligjore për rregullimin e transmetimit dhe të shërbimeve mediale audio-vizuale, të cilat nevojiten për të kryer funksionet e saj, në pajtim me standardet ndërkombëtare.
2. Rregullorja për Shpërndarjen e Ofruesve të Shërbimeve Mediale Audio dhe Audiovizuale (Rregullorja KPM-2020/01) përcakton rregullat dhe procedurat për shpërndarjen e ofruesve të shërbimeve mediale nga ana e operatorëve, pavarësisht nga teknologjia e përdorur.
3. Kandidati “TV IM” ka dorzuar në Zyrën Ekzekutive të KPM-së një aplikacion për licencë për operatorë të shpërndarjes.

Arsyetim


4. Neni 21, paragrafi 1 i Ligjit të KPM-së përcakton se: “*për të ushtruar transmetim në Kosovë sipas kushteve të këtij ligji kërkohet licenca për transmetim, të cilën e lëshon KPM-ja*”.

5. Komisioni konstaton se, Zyra Ekzekutive i ka ofruar kandidatit për licencë për operator të shpërndarjes “TV IM” të gjitha aktet nënligjore për aplikim për licencë si: Rregullorja për Shpërndarjen e Ofruesve të Shërbimeve Mediale Audio dhe Audiovizuale (Rregullorja KPM-2020/01), Rregullore për Tarifën Vjetore për Licencë (2) (KPM-2017/06), dhe Formën për aplikim për licencë të KPM-së, për operator të shpërndarjes.
6. Komisioni vlerëson se kandidati “TV IM” ka paraqitur në aplikacionin e tij të dhënat e nevojshme për licencë të KPM-së për operator të shpërndarjes në pajtueshmëri me Nenin 6 të Rregullores KPM-2020/01 dhe të shtojcës së kësaj rregulloreje, ku përcaktohen Procedurat, Kushtet dhe Kriteret për Licencim,
7. TV IM në fletaplikacion ka deklaruar se kërkon të licencohet për platformën IPTV, mirëpo Komisioni konstaton se, sipas Rregullorës për Shpërndarjen e Shërbimeve Mediale Audio dhe Audiovizuale (Rregullorja KPM-2020/01) TV IM është platformë teknologjike digjitale - OTT. Poashtu, me parashtruesin e kërkesës për këtë qështje është diskutuar disa herë në takimet e organizuara, ndërsa KPM edhe zyrtarisht e ka njoftuar kandidatin se sipas rregullorës së lartpërmenduar, është i obliguar që të aplikoj në KPM për tu pajisur me licencë për operatorë të shpërndarjes për TV IM, sipas platformes OTT.
8. Me Rregulloren KPM-2020/01 nuk përcaktohet numri i kanaleve se sa duhet të përmbajë lista e pakos programore për një operator të shpërndarjes. Prandaj, Komisioni vlerëson se, një operator i shpërndarjes mund të licencohet edhe me një numër minimal të programeve të përcaktuara me nenin 5 dhe 9 të Rregullores KPM-2020/01, ndërsa, kandidati “TV IM” ka dorëzuar një listë prej 41 kanaleve, si pjesë e katalogut programor.
9. Kandidati “TV IM” për operator të shpërndarjes sipas platformës OTT, përveç ofruesve të shërbimeve mediale audiovizuale të licencuar nga KPM, të përcaktuara me 9 të Rregullores KPM-2020/01, do të ketë të drejtë të bartë një katalogun e tij programor vetëm kanalet televizive për të cilat posedon marrëveshje mbi të drejtën e autorit.
10. Pas pajisjes me licencë të KPM-së, kandidati për operator të shpërndarjes “TV IM” mund të sigurojë marrëveshje shtesë për bartjen e programeve në platformën OTT, dhe mund të zgjerojë katalogun e programeve në të ardhmen. Kandidati “TV IM” obligohet t’i ofrojë KPM-së të gjitha marrëveshjet e reja për zgjerim të listës programore, sapo t’i ketë siguruar ato.
11. Komisioni vlerëson se, kandidati “TV IM” ka dorëzuar aplikacionin e tij në pajtueshmëri me kriteret e përcaktuara me Rregulloren KPM-2020/01 si dhe me Rregulloren e KPM-së KPM-2017/06, për t’u pajisur me licencë të KPM-së për një afat prej dhjetë (10) vitesh, me mundësi të ripërtëritjes.
12. Komisioni vlerëson se, kandidati për operator kabllor “TV IM” ka përmbushur kriteret për kualifikim për t’u pajisur me licencë të KPM-së.

Vendim

13. Komisioni, në takimin e tij të mbajtu më datën 15 dhjetor 2020, merr vendim që kandidatit “TV IM”, me seli në Prishtinë, t’i lëshojë licencën e KPM-së për operator të shpërndarjes sipas platformës OTT, për të ofruar shërbime të programeve në pajtim me katalogun e ofruar programor sipas marrëveshjeve për të drejtat autoriale të atyre shërbimeve mediale audiovizuale, për të operuar në Republikën e Kosovës.

14. Këtë vendim e lëshon Komisioni, dhe i njëjti hyn në fuqi nga data e nënshkrimit.


Xhevat LATIFI
Kryetar

Komisioni i Pavarur i Mediave



15.12.2020

datë